



Headlines

- प्रधानमंत्री नरेन्द्र मोदी होर आईटहयू विष्व दूर संचार मानक सम्मेलन दा उद्घाटन करगंन।
- उमर अब्दुल्ला होर कल जम्मू कष्मीर दे मुख्खमंत्री दे तौर पर सगंध लैगन, उपराज्यपाल मनोज सिन्हा होरें उनेंगी सरकार गठन करने आस्तै साद्दा दित्ता।
- किष्तवाड़ जिले च लग्गी दी अग्ग च 50 घरें सने जामिया मस्जिद गी बी नुक्सान पुज्जा। डिप्टी कमीषनर होरें प्रभावित परोआरें लेई 5-5 लक्ख रपे दे मुआवजे दी घोशणा कीती।
- विदेश मंत्री डॉ. एस. जयषंकर होर एससीओ दी बैठक च हिस्सा लैने लेई इस्लामाबाद जा'रदे न।



PM-ITU

प्रधानमंत्री नरेन्द्र मोदी होर अज्ज बडलै नमीं दिल्ली दे भारत मंडपम च अंतर्राष्ट्रीय दूर संचार संघ आईटीयू दे विष्व दूरसंचार मानक सम्मेलन डब्ल्यू.टी.एस.ए-2024 ते इंडिया मोबाइल कांग्रेस दे 8में संस्करण दा उद्घाटन करगंन। विष्व दूर संचार मानक सम्मेलन संयुक्त राष्ट्र डिजीटल प्राद्योगिकी अजेंसी दे अंतर्राष्ट्रीय दूर संचार संघ दे मानक कन्नै सरबंधी सम्मेलन ऐ जेहदा सरिस्ता चऊं-चऊं ब'रे परैत कीता जंदा ऐ। आईटीयू दे इतिहास च एह पैहली बारी ऐ जे एहदा सरिस्ता भारत ते एषिया प्रशांत क्षेत्र च कीता जा'रदा ऐ। एह कुल संसारी सतह दा इक महत्वपूर्ण कार्यक्रम ऐ जेहड़ा दूर संचार डिजीटल टेक्नालोजी ते आईटीयू क्षेत्रें दी अगुवाई करने आले 190 कोला मते मुल्खें दे त्रै ज्हार कोला मते उद्योगपतिएं, नीति निर्माताएं ते तकनीकी माहिरें गी इक्कै मंच पर आन्नोग।



JK Govt. Formation

उपराज्यपाल मनोज सिन्हा होरें केन्द्र शासत प्रदेश च नमीं सरकार दे गठन आस्तै नैषनल कांफ्रेंस दे नेता उमर अब्दुल्ला होरें गी साद्दा दित्ता ऐ। उपराज्यपाल होरें मुख्खमंत्री दे तौर पर उमर होरें गी सगंध लैने ते उंदे मंत्री परिशद गी सगंध लैने लेई साद्दा दित्ता ऐ। शपथ ग्रेहण समारोह 16 अक्टूबर गी शेर-ए-कष्मीर अंतर्राष्ट्रीय कनवेंषन सेंटर च होग। एह कारवाई केन्द्र आस्सेआ जम्मू कष्मीर थमां राष्ट्रपति शासन हटाने दे इक दिन मगरा होई ऐ। जून 19 2018 च पीडीपी ते बीजेपी दी भ्याली आली सरकार डिग्गी जाने मगरा इत्थें चुनी गेदी सरकार लेई बनी। उपराज्यपाल हुंदे आस्सेआ जारी इक चिट्ठी गी अब्दुल्ला होरें गी उपराज्यपाल हुंदे प्रधान सचिव डॉ. मंदीप के. भंडारी होरें सौंपेआ ते शपथ ग्रेहण समारोह दी तरीक ते सनेह बारे जानकारी दित्ती। एहदे मगरा अब्दुल्ला होरें सोषल मीडिया साइट एक्स पर उपराज्यपाल हुंदी चिट्ठी हासल होने बारे इक फोटू सांझा कीता। इस चिट्ठी च उपराज्यपाल हुंदे दफतर आस्सेआ अब्दुल्ला होरें गी सरकार गठन करने आस्तै साद्दा दित्ता गेआ ऐ। जम्मू कष्मीर च हुन 10 ब'रे दे वक्फे मगरा चुनी गेदी सरकार होग। जम्मू कष्मीर जिसलै राज्य हा तां उसलै विधानसभा लग्गी ही ते 2018 च पीडीपी ते बीजेपी दी भ्याली आली सरकार दा गठबंधन त्रुटने ते सरकार डिग्गी जाने मगरा इत्थें उपराज्यपाल शासन लग्गा। 2019 च केन्द्र नै जम्मू कष्मीर दा विशेष राज्य दा दर्जा परताई लैता ते उसलै दे राज्य गी 2 केन्द्र शासत प्रदेशें च तकसीम करी दित्ता। उसलै केन्द्र शासत प्रदेश जम्मू ते कष्मीर ते केन्द्र शासत प्रदेश लद्दाख बने। एहदे थमां पैहले उमर होरें उपराज्यपाल सिन्हा हुंदे कन्नै 11 अक्टूबर गी मलाटी कीती ते उनेंगी अपने विधायकें दे समर्थन सरबंधी चिट्ठी सौंपी ते सरकार बनाने दा दावा पेष कीता। उनें पत्रकारें कन्नै गल्ल करदे होई दस्सेआ हा जे शपथ ग्रेहण समारोह किष दिने मगरा होग। उपराज्यपाल हुंदे दफतर आस्सेआ दस्तावेज राष्ट्रपति भवन भेजे जांगन ते पही गृह मंत्रालय च। राष्ट्रपति द्रौपदी मुर्मू होरें जम्मू कष्मीर थमां राष्ट्रपति शासन खत्म करने लेई अधिसूचना जारी कीती जेहदे कन्नै केन्द्र शासत प्रदेश च सरकार कायम करने लेई बत्त पदरी होई गई। जम्मू कष्मीर दी 90 सीटें लेई त्रै गेड़ें च चुनां होए, वोटें दी गिनतरी 8 अक्टूबर गी होई। नैषनल कांफ्रेंस-कांग्रेस गठबंधन गी 48 सीटां हासल होई। बीजेपी गी 29 सीटां हासल होइयां हियां।



Kishtwar Fire

किष्तवाड़ जिले दी वरमान थाहर दे इक ग्रां च अगग लगने करी 50 रिहायषी घरें ते इक मसीते गी बी नुक्सान पुज्जा ऐ। एह अगग दपैहरी धाड़ गी लगगी ते फही तेज हवा करी तेजिया कन्नै ग्रां च फैली गई। अधिकारिक ब्याने मूजब एह घटना दपैहरी पौने त्रै बजे पेष आई। पुलस कर्मिं ते मकामी लोकें किट्ठे रलियै अगग गी साहलने दा जतन कीता पर अगग इन्नी तेज ही जे ओ तेजी कन्नै फैली ते केई सारी इमारतें गी नुक्सान पुज्जा। किष्तवाड़ दे डिप्टी कमीषनर राजेष कुमार षवन होरें प्रभावत परोआरें लेई 5-5 लक्ख रपे दा मुआवजा देने दी घोशणा कीती ऐ। रिपोर्ट मूजब मसीत गी बी अगग लगने आली घटना करी नुक्सान पुज्जा ऐ। इस घटना च अजें तगर कुसै चाल्ली दे जानी नुक्सान दी कोई खबर नेई ऐ।



Vidhyalas

पुंछ दे डिप्टी कमीषनर विकास कुंडल हुंदी अगुवाई च विद्यालय प्रबंधन कमेटी दा महत्वपूर्ण बैठक दी अध्यक्षता कीती गई। इस बैठक च चऊं खेत्तर पर ध्यान दित्ता गेआ जिंदे च शैक्षिक उत्कृष्टता, विद्याश्रिं दा समग्र विकास, बुनियादी ढांचे दे मुद्दे ते पानी दी आपूर्ति सरबन्धी मुद्दे शामिल हे। स्कूल दे प्रिंसिपल नितिन अरोड़ा होरें उप्परोतली दस्से गेदे खेत्तर उप्पर स्कूल दी मजूदा स्थिति ते विद्याश्रिं दी भलाई लेई इनंगी बेहतर बनाने बारे चर्चा कीती। डिप्टी कमीषनर विकास कुंडल होरें बैठक दरान सुरनकोट दे एसडीएम गी अगगे दी कारवाई करने दा निर्देश दित्ता ते सरबन्धत अधिकारिं गी आखेआ जे ओह इनें इलाकें चा कुसै बी चाल्ली दी रूकावट गी दूर करन।



Rajouri Nasha

राजौरी दे डिप्टी कमीषनर अभिशोक शर्मा होरें कल नषे दा कबैतू कन्नै निबड़ने ते नषा मुक्त अभियान गी चलाने आसतै डीसी दपतर राजौरी दे कांफ्रेंस हाल च इक बैठक दी अध्यक्षता कीती। इस बैठक च नषे दी रोकथाम सरबन्धी जागरूक कार्यक्रम चलाने बारे मुख ध्यान दित्ता गेआ ते इस सरबन्धे च रणनीतिं उप्पर चर्चा कीती गई। डिप्टी कमीषनर होरें छग इंस्पेक्टर गी निर्देश दित्ते जे ओह जिले दे अंदर कम्म करने आली सब्बने दुआइएं दी दकानें दी तकसील दे बारे सूची सांझी करन। कन्नू सरबन्धी अजेंसी खास करियै पुलस गी हिदायत दित्ती गई ऐ नषे दी रोकथाम सरबन्धी जतन होर तेज करन। नषे दी तस्करी करने आलें गी फगड़ने पर जोर पाया गेआ।



Child Protection

डिप्टी कमीषनर विकास कुंडल होरें कल जिला पुंछ च बच्चें दी हिफाजत सरबन्धत इकाइएं दे कम्मकाज दी समीक्षा कीती। डिप्टी कमीषनर होरें इस गल्लै पर जोर भरेआ ऐ जे मकामी सतह पर वंचित बच्चें दी सेहत दा खास ध्यान रखेआ जा ते इंदी भलाई बेह्तरी ते सुरक्षा लेई बक्ख-बक्ख योजनाएं गी समें सिर लागू करने गी जकीनी बनाया जा। कुंडल होरें खास करियै इस गल्लै गी जकीनी बनाने लेई आखेआ जे पुंछ जिले च कोई बी बच्चा बाल मजदूरी नेई करै। उनें सरबन्धी अधिकारिं गी निर्देश दित्ते जे ओह बच्चें गी रोजगार देने आले खलाफ सख्त कारवाई करन खास करियै जेहदे 14 बरे दी उमर शा घट्ट बच्चें थमां असुरक्षत माहौल च कम्म करोआंदे न।



EAM PAK

विदेश मंत्री डॉ. एस.जयषंकर होरें शंघाई सैहयोग संगठन एससीओ शिखर सम्मेलन च हिस्सा लैने लेई अज्ज दऊं दिनें दी यात्रा पर इस्लामाबाद जा करदे न। जिसलै 9 बरे च कुसै भारतीय विदेश मंत्री दी पाकिस्तान दी एह पैहली उच्ची सतह दी यात्रा होग। पिछले दिनें विदेश मंत्री होर इस यात्रा गी लेइयै सफाई दित्ती ही जे एह भारत ते पाकिस्तान बष्कार दबक्खी सरबन्धे बारे यात्रा नेई ऐ, ओह एससीओ दी मिंबर मुख होने दे नाते एहदे शिखर सम्मेलन च शामिल हाने जा करदे न। शंघाई सैहयोग संगठन इक स्थाई अंतरासरकारी अंतर्राष्ट्रीय संगठन ऐ। जेहदे च भारत, ईरान, कजाकिस्तान, चीन, किर्गिजस्तान ते उजबेकिस्तान समेत कुल 9 मुख शामिल न। एससीओ मिंबर मुख बष्कार आपसी बसाह भरोसा मतबूत करने, राजनीति, बपार, अर्थबवस्था, अनुसंधान, प्रोद्योगिकी ते संस्कृति दे क्षेत्र च उंदे असरदार सैहयोग बधाने पर ध्यान केन्द्रित करदा ऐ।



India Canada

भारत नै कनाडा दे कार्यवाहक उच्चायुक्त स्टीवर्ट रोस व्हीलर सनें 6 राजनियकें गी इत्थुआं चली जाने लेई आखेआ ऐ। उप-उच्चायुक्त पेटरिक हेबर्ट प्रिमि सचिव मैरी केथरीन जोली, इआन रांस, डेविड द्राइटसी, एडम जेम्स चुइपका ते पाउला ओर जुएला होरें गी बर्खास्त करी दित्ता गेआ ऐ। इनें राजनयिकें गी 19 अक्टूबर जां ओहदे शो पैहले भारत छोड़ने गी आखेआ गेआ ऐ। भारत नै कनाडा च अपने उच्चायुक्त ते होर दुए राजनयिकें ते अधिकारिएं गी वापस सद्दने दा फ़ैसला कीता ऐ। सरकार नै गलाया ऐ जे भारत गी अपने राजनयिकें दी सुरक्षा करने दी कनाडा सरकार दी प्रतिबद्धता उप्पर कोई भरोसा नेई ऐ। इस दरान कनाडा दे प्रभारी डी.फ़ेयर गी कल संजा नमीं दिल्ली च विदेश मंत्रालय च सद्देआ गेदा हा। उनेंगी दस्सेआ गेआ जे कनाडा च भारतीय उच्चायुक्त ते होर दुए राजनयिकें ते अधिकारिएं गी नषाना बनाना कुसा कीमत उप्पर बर्दाष्ट नेई कीता जाग। तोआई भारत सरकार नै कनाडा च भारतीय उच्चायुक्त ते किष दुए राजलयिकें दे जांच दे दायरे च होने दे कनाडा सरकार दे दावें गी पूरी चाल्ली खारज करी दित्ता ऐ। विदेश मंत्रालय बी इसी बेबुनियाद आरोप दस्सेआ ऐ। मंत्रालय नै गलाया ऐ जे एह कनाडा दी टूडो सरकार दी वोट बैंक दी राजनीति दा हिस्सा ऐ।



JK-Himayat

जम्मू कश्मीर च ग्रामीण विकास विभाग ते पंचैती राज मैहकमे दे सचिव मोहम्मद एजाज असद होरें कल केन्द्र शासत प्रदेश च हिमायत स्कीम दी प्रगति दी समीक्षा लेई इक बैठक दी अध्यक्षता कीती। बैठका च जम्मू कश्मीर च नोजवानें गी हुनर मंद बनाने ते उनेंगी कम्म रोजगार दे मौके उपलब्ध कराने दे मकसद कन्नै योजना दी प्रगति पर चेचे तौरा गल्लबात ते सलाह सूत्र कीता गेआ। हिमायत योजना दे तैह्त अजें तगर 33 जहार 218 नोजवानें गी सिखलाई दित्ती जाई चुकी दी ऐ जिंदे चा 14 जहार 390 गी बक्ख-बक्ख क्षेत्रें च नौकरी थ्होई चुकी दी ऐ। एहदे इलावा इस योजना दे तैह्त एल्लै 702 नोजवान बक्ख-बक्ख हुनरें दी सिखलाई हासल करा करदे न।



Army Mendhar

फौज नै हाल च गै पुंछ दे मेंढर इलाके दे पहाड़ी मैदान च इक एथलैटिक मीट दा आयोजन कीता ऐ, जेहदा मकसद मकामी नोजवानें गी सषक्त बनाना ते पीर पंजाल खेत्तर च खेड्डें गी बढ़ावा देना ऐ। एह आयोजन ना छड़ा एथलैटिक हुनर गी प्रदर्षित करने दा इक मंच गै नेई सगुआं युवा पीढ़ी गी शारीरिक गतिविधिएं ते खेड्डें आली बक्खी बढ़ावा देने लेई बड्डी पैहलकदमी बी ऐ। इस एथलैटिक मीट च 100 थमां बद्ध प्रतिभागिएं हिस्सा लैता। एहदे च मती गिनतरी च कुड़िएं बी शामिल हियां जेह्छी भारतीय फौज दी खेड्डें प्रति प्रतिबद्धता गी दर्षादी ऐ।

